

攪炒派多選式民調謀賴死

網民質疑選項多製「全不過半」方便政黨自行拍板留低

網議政事

究竟攪炒派嘅民調係民意調查定民意調整？香港民意研究所早前答應民主黨委託，聲稱9月初會搞「決定性民調」，為民主黨現任立法會議員嘅去留提供「科學依據」，但由於香港民研嘅副行政總監鍾劍華已表態傾向攪炒派延任，大批「同路人」質疑民調將會造假。香港民研前日就以類似題目再搞網上民調，疑想及早摸底制訂對策，點知網民發現呢條「留定唔留」嘅簡單題目，都可以有六個答案異人揀。香港民研話咁嘅設計可以令調查「更客觀」，有網民就質疑咁多選項只會令任何選項都過唔到半，睇嚟到時都係等啲政黨自己做「政治決定」啦。

■香港文匯報記者 鄭治祖

香港民研別樹一格嘅調查，真係令人覺得活嘅平行時空，好似佢咗上周問咗七萬幾位市民支持定反對議員延任，喺剔除3.6萬個「無效」樣本後，都可以將63%攪炒派支持者反對議員延任嘅結果，講成唔係好可信。


選項可全選 何來「決定性」

網民「李懂媽」前晚喺facebook發帖，話收到香港民研一封有檢驗碼嘅電郵，係關於「飯民」議員去留嘅問卷調查。佢話，早前已質疑上周嘅調查唔應該有「不知道/很難說/一半半」呢啲無聊選項，點知今次問卷變本加厲，條題目繞口地問攪炒派議員應該用咩方式處理是否繼續出任議員嘅爭議，但答案竟然有「全部留任」、「全部離開」、「部分留任部分離開」、「個別議員自行決定」、「不知道/很難說」同「其他」，仲荒謬到可以六項全選。

「Franki Lin」就喺香港民研fb問係佢人手出錯，點知對方回覆話：「設計時係想將可以俾



■梁振英揶揄民主黨為咗延任自己出埋錢搞民調。梁振英fb截圖



■「李懂媽」在fb貼出香港民研的民調。「李懂媽」fb截圖

梁振英譏諷黨應請蓋洛普

全國政協副主席梁振英亦喺fb發文，揶揄民主黨為咗延任自己出埋錢搞民調：「民主黨主席胡志偉說，香港民意研究計劃會邀請其他專家一同進行有關決定去留的民調，初步會找中大學者李立峯。這樣的曠世佳作，民主黨應該找世界上最著名的蓋洛普 (Gallup) 公司做，錢我出。」

「Sukirabit Wong」就暗寸民主黨：「邊個出錢就變成邊個操控啦。」「Margaret Oh」就話：「最後結果肯定係全體賴死留低照出糧。」「Ling Fung Chung」就貼出一張縫紉機嘅相話：「鍾氏專業改衣，歡迎度身訂造。」



■鍾劍華（右一）已表態傾向支持攪炒派延任，被大批「同路人」質疑民調將會造假。香港民研fb圖片


鄭文傑拒助「流亡獨人」搞眾籌「黃絲」照科水

網議政事

只要夠膽大大聲抹黑內地，「黃絲」分鐘當佢領袖，殊不知人哋只係當佢哋水魚。由嫖客變「政治難民」嘅英國駐港總領事館前職員鄭文傑，早前到英國後開啟「黃絲領袖」套路，先成立咗個所謂「英國港僑協會」，然後嗱聲聲搞眾籌，聲稱話要「協助香港人」，啲「手足」以為多咗根救命稻草，已經達成佢三分一掠水目標嘅。不過，近日就有同路人踢爆，原來個協會「講到明唔幫『流亡手足』」，就算入佢哋個Telegram群組講「手足」嘢，都會俾人踢，唔少「手足」都感嘆，啲「黃絲」隨隨便便就科水，「黃圈」啲錢真係易呃。



■鄭文傑在英國成立咗個所謂「英國港僑協會」。



■「英國港僑協會」搞眾籌，聲稱籌款目標10萬英鎊。



■有「連登仔」發帖叫黃絲唔好俾人呃。網頁截圖

要「建立一個可以讓香港人面對面交流的地方」。網民「鐘媽」日前就嗱連登發帖幫鄭文傑個「英國港僑協會」眾籌宣傳，佢話：「一半都有，得三分一，點做野（嘢）架（㗎）！」仲貼埋個眾籌連結。

入群組討論「手足」即踢

網民「純水溝油」見佢係咁叫人科水，就發帖奉勸班「手足」：「科水之前，只（至）少入佢個TG谷（Telegram群組）睇下（吓）咩感覺先？」佢話鄭文傑「講到明唔幫『流亡手足』」，係（㗎）（Telegram群組）入面講『手足』野（嘢），會比（俾）admin（管理人）×「唔正經」，你（唔）聽話夾硬要講，（就會）比（俾）人踢！」佢仲話：「入面90%討論都係過度買樓、讀書有當地熟人介

紹，見有人問搵工、落腳問題，就比（俾）人叫上連登問！」至於個眾籌，「純水溝油」話：「籌左（咗）既（嘅）錢去邊無交代，唔唔夠點算無交代，香港人唔好一聽到要籌錢就衝去買『續（贖）罪券』啦！」奉勸大家捐錢前要三思。隨即就有人附和。有網

民就認為從嫖娼單嘢就知道鄭文傑本身冇誠信，搞嘅眾籌信唔過。「陌生的人人」就話：「無人知d（啲）錢點用，佢cap（掠）晒都得，真的不了！」「神奇地瓜」就直頭話，咁都呃到幾十萬，「港×真係好呃！」

■香港文匯報記者 黃書蘭

鄭文傑舊年8月去深圳公幹，之後「失聯」，後尾被揭原來佢因為嫖娼俾當局按行政規定拘留15天。期滿獲釋返港後，鄭文傑閃閃縮縮避談自己風流韻事，係咁話內地向佢酷刑逼供，但身上就一啲傷痕都冇。

雖然係咁，「黃絲」都信到十足，將佢當成「政治難民」，由嫖客變政客就係咁簡單。佢去咗英國之後，亦多次肆無忌憚公開唱衰香港、抹黑內地，吸引到唔少「黃絲」注意。

早前佢就順勢成立咗個所謂「英國港僑協會」搞眾籌，聲稱籌款目標10萬英鎊（逾100萬港元），話



■麥美娟（右）與梁子穎到選管會請願，敦促選管會盡快調查「初選」等涉嫌違反選舉條例的行為。香港文匯報記者 攝

工聯促查非法「初選」選管會拒接請願信

香港文匯報訊（記者 子京）戴耀廷及攪炒派上月發起所謂「初選」，涉嫌違反香港國安法、破壞選舉公正，但選舉管理委員會至今仍未作出調查。工聯會代表麥美娟及社區主任梁子穎昨日到選管會請願，敦促選管會盡快調查「初選」等涉嫌違反選舉條例的行為，要求政制及內地事務局責成選管會主席跟進事件。

麥美娟表示，攪炒派揚言要在選舉中奪取立法會一半以上議

席，繼而否決政府提出的有關財政預算、撥款申請等法案，以達到癱瘓施政，奪取香港管治權，擾亂國家安全的目的，選管會應立即就所謂「初選」擾亂選舉公平展開調查。

她形容現時香港選舉投票的方式還處於「石器時代」，但選管會仍然不盡職責，未就保障選舉公平作出改善。

梁子穎批評所謂「初選」破壞選舉公平原則，涉嫌操控選舉，而參

選人包括黃之鋒、郭家麒、楊岳橋、郭榮鏗等人去年曾去信美國，要求美國干預香港事務，涉嫌觸犯香港國安法中的勾結外部勢力，選管會應嚴肅調查事件。

其間，選管會稱不會派代表接信，可將信件放於地下花槽。對此，麥美娟認為將信件放在花槽好似丟垃圾，選管會態度明顯漠視民意，不履行工作。因此決定將直接遞信給特首，並如實反映選管會不負責、不作為的工作態度。

炒作加國拒見冷飯黃之鋒圖博眼球

香港文匯報訊（記者 郭家好）前「香港眾志」秘書長黃之鋒昨日突然炒作外國媒體報道，將加拿大外交官2017年向該國國會議員「傳達」不希望議員與香港攪炒派見面的信息，扭曲為有關議員「遭中共施壓」、被「要挾」，又聲稱中央政府意圖在「國際舞台」將其「滅聲」云云。多名政界人士昨日接受香港文匯報訪問時斥責黃之鋒炒冷飯，又加入主觀思想肆意演繹新聞，明顯是不遺餘力抹黑中央，企圖以此博取國際關注，行為卑劣。

加拿大《環球郵報》日前報道指，有加拿大國會議員「憶述」稱，2017年11月下旬訪港與加拿大外交官會晤期間，被「傳達」信息稱中國中央不希望加拿大國會議員與例如黃之鋒之流會晤。及後，黃之鋒在個人社交專頁上發帖，把相關內容演繹成加拿大國會議員「曾遭中共施壓，要脅（挾）他們不要跟陳方安生、黎智英和我見面」，並聲稱是因為中央政府「不想國際社會得悉香港真相」，意圖在「國際舞台」將其「滅聲」。

他又聲稱自己在香港國安法通過後未有限任何外國國會議員作會面或出席聽證，並指摘國安法實施前，多名行政會議成員正常的外訪，聲稱這是「只許州官放火，不准百姓點燈」。不過，在他貼出的行政會議成員外訪照片中，分明就有攪炒派議員莫乃光、梁繼昌的身影。翻查資料，該次活動是7名行政會議成員及立法會議員應邀訪美，當中有建制中人，亦有攪炒分子，而非黃之鋒所稱的「只許州官放火」。

盧瑞安：人氣降博曝光

港區全國人大代表盧瑞安批評黃之鋒將主觀思想加入新聞當中，隨意演繹新聞。他認為，由於黃之鋒在國際上的影響力不斷下降，故想藉此事自抬身價，博取國際關注，來擴大其影響力。

蔡毅：故意胡攪蠻纏

港區全國人大代表蔡毅表示，黃之鋒炒作加國議員對三年前事件的憶述，更添油加醋、污蔑中央。至於行政會議成員到訪外國並無破壞香港利益及「一國兩制」，與攪炒派相關行為有本質區別，質疑黃之鋒故意胡攪蠻纏是因為作賊心虛。

葛珮帆：與外國唱雙簧

民建聯立法會議員葛珮帆表示，身為新一代漢奸的黃之鋒不擇手段污蔑中央是預料之中，黃之鋒故意揚言中央「要挾及打壓他們」，其實是與外國唱雙簧，一唱一和地抹黑中央。她並指，行政會議成員會見外國官員以介紹香港及加強聯繫是非常正常的事情，與黃之鋒之流勾結外國勢力、要求制裁香港、損害國家利益的目的完全不一樣，不能相提並論。



■黃之鋒炒作外國媒體報道，聲稱中央政府意圖在「國際舞台」將其「滅聲」云云。黃之鋒fb截圖